



ՀԵԼՍԻՆԿՅԱՆ ՔԱՂԱՔԱՅԻԱԿԱՆ ԱՍԱՄԲԼԵԱՅԻ
ՎԱՆԱԶՈՐԻ ԳՐԱՍԵՆՅԱԿ
HELSINKI CITIZENS' ASSEMBLY
VANADZOR OFFICE

2001 Հայաստանի Հանրապետություն,
Վանաձոր Տիգրան Մեծի պողոտա 59
59 Tigran Metsi st.
Vanadzor, 2001, Republic of Armenia
Tel. (հեռ.) (374 322) 4 22 68
Fax (ֆաքս) (374 322) 4 12 36
E-mail: hcav@hcav.am

ՀՀ գլխավոր դատախազ
Գ. Կոստանյանին

Ե/2013- 14.10/617
14.10.2013 թ.

ՀՀ սպորտի և երիտասարդության հարցերի նախարարի տեղակալ «Հայոց արծիվներ» հասարակական կազմակերպության ղեկավար Խաչիկ Ասրյանը 2013թ. հոկտեմբերի 10-ին «Yerkir.am»¹ կայք էջում հանդես է եկել հայտարարությամբ՝ մեջբերում եմ. «Զարուհի Փոստանջյանին խարույկի վրա կենդանի պետք է այրել, ոչ թե որպես ժաննա դ՛Արկի, այլ որպես Ռամիլ Սաֆարովի»:

2013թ. հոկտեմբերի 10-ին «Yerkir.am»² լրատվական միջոցով հրապարակված նյութը Հայաստանի Հանրապետությունում գործող մի շարք այլ լրատվական միջոցների կողմից վերահրատարակվել են, մասնավորապես՝ «hayeli.am»³, «aravot.am»⁴, «asparez.am»⁵ և այլն:

Նշված հայտարարությունը հիմք է տալիս մտավախություն ունենալ, որ Խ. Ասրյանը կամ նրա համախոհներն, աստելությամբ լցված լինելով Զարուհի Փոստանջյանի հանդեպ, կարող են փորձ կատարել այս կամ այն եղանակով իրականացնելու Զ. Փոստանջյանի նկատմամբ հաշվեհարդարի վերաբերյալ իրենց սպառնալիքները:

Խաչիկ Ասրյանը իր վերը վկայակոչված հայտարարությամբ հայտնել է ՀՀ ազգային ժողովի պատգամավոր Զարուհի Փոստանջյանի նկատմամբ ֆիզիկական, սադիստական հաշվեհարդար տեսնելու իր պատրաստակամությունը և մտադրությունը:

Չի բացառվում, որ այս սպառնալիքը կարող է, որևէ երրորդ անձանց կողմից իրագործվել Զ. Փոստանջյանի նկատմամբ:

ՀՀ քրեական օրենսգրքի 137-րդ հոդվածի համաձայն «սպանության, առողջությանը ծանր վնաս պատճառելու կամ խոշոր չափի գույք ոչնչացնելու սպառնալիքը, ...» համարվում է հանցագործություն և նախատեսվում է քրեական պատասխանատվություն:

Հայաստանի Հանրապետությունում վերջին շրջանում խարույկի վրա կենդանի այրելուց բացի իրականացվել են այլ հաշվեհարդարներ, այն անձանց նկատմամբ, որոնց վարքագիծը այս կամ այն պատճառով դուր չի եկել բարձրաստիճան հանրապետականներին եւ նրանց թիկնագործերին՝ օրինակ, Վահե Ավետյանը, Ավետիք Բուդաղյանը, DIY ակումբի հրկիզման ղեկավար կամ մի շարք այլ ղեկավարներ:

¹ Տե՛ս՝ <http://www.yerkir.am/am/news/56545.htm>

² Տե՛ս՝ <http://www.yerkir.am/am/news/56545.htm>

³ Տե՛ս՝ <http://hayeli.am/article/376663/>

⁴ Տե՛ս՝ <http://www.aravot.am/2013/10/10/394986/>

⁵ Տե՛ս http://www.asparez.am/news-hy/merorya_inkvizitorner_hhkc_hy/

Խաչիկ Ասրյան. Չարուհի Փոստանջանին խարույկի վրա կենդանի պետք է այրել

Յուլի 10, 2013 Չի մեկնաբանվել Չարուհի



«Չայոց արծիվներ» կազմակերպության ղեկավար Խաչիկ Ասրյանը «Ժառանգություն» խմբակցության պատգամավոր Չարուհի Փոստանջանին

Yerkir.am-ի հետ զրույցում անվանել է «թուրքի բոստանից զորացրված դաշտամուկ»:

Անդրադառնալով ԵՏԽԿ-ում Չարուհի Փոստանջանի կողմից Սերժ Սարգսյանին ուղղված հարցին՝ Ասրյանը հայտարարել է, որ ցանկանում է, որ իր խոսքերը լինեն ավելի կոշտ, կոպիտ, եւ այն ուղղում է ոչ թե Չարուհի Փոստանջան քաղաքացուն, ոչ թե Չարուհի Փոստանջան կնոջը, ոչ թե Չարուհի Փոստանջան մորը, այլ՝ «ոմն Չարուհի Փոստանջան» քաղաքական գործչին: «Նույն Չարուհի Փոստանջանին խարույկի վրա կենդանի պետք է այրել, ոչ թե որպես Ժաննա Դարկի, այլ՝ որպես Ռամիլ Սաֆարովի», - հայտարարել է Խաչիկ Ասրյանը:

Նա կարծիք է հայտնել, որ Չայաստանը յուրաքանչյուր քաղաքացու եւ իր համար ՀՀ-ն, հայոց պետականությունը ամենամեծ ընտանիքն է, իսկ «Չայոց Նախագահ» Սերժ Սարգսյանը մեր մեծ ընտանիքի առաջնորդն է ու մեծագույն դերակատարություն է ունեցել հայոց պետականության կայացման մեջ, եւ ոչ միայն մեր հայրենիքում, այլ՝ հատկապես երկիր մոլորակի տարբեր անկյուններում»:

«Փոստանջանին խարույկի վրա կենդանի պետք է այրել որպես Ռամիլ Սաֆարովի».
Խաչիկ Ասրյան Կարդացվել է 2413 անգամ 17 Մեկնաբանություն Տարածել Տպել 18:09 |
Չոկտեմբեր 10 2013 yerkir.am. «Հայոց արժիվներ» կազմակերպության ղեկավար Խաչիկ
Ասրյանը «Ժառանգություն» խմբակցության պատգամավոր Չարուհի
Փոստանջանին Yerkir.am-ի հետ զրույցում անվանեց «թուրքի բոստանից զորացրված
դաշտամուկ»: Անդրադառնալով ԵԽԽՎ-ում Չարուհի Փոստանջանի հնչեցրած հարցին՝
Ասրյանը հայտարարեց, որ ցանկանում է, որ իր խոսքերը լինեն ավելի կոշտ, կոպիտ, Ե՛ւ
այն ուղղում է ո՛չ թե Չարուհի Փոստանջան քաղաքացուն, ո՛չ թե Չարուհի Փոստանջան
կնոջը, ո՛չ թե Չարուհի Փոստանջան մորը, այլ՝ «ոմն Չարուհի
Փոստանջան» քաղաքական գործչին, ով վերջնականապես ցուցադրեց իր թերուցքային
վիճակը ինչպես հայրենիքում, այնպես էլ՝ հայրենիքից դուրս»: «Նույն Չարուհի
Փոստանջանին խարույկի վրա կենդանի պետք է այրել, ոչ թե որպես Ժաննա Դարկի,
այլ՝ որպես Ռամիլ Սաֆարովի», - հայտարարեց Խաչիկ Ասրյանը:



16:20 - 10.10.2013

«Հայոց արժիվներ» կազմակերպության ղեկավար Խաչիկ Ասրյանը «Ժառանգություն» խմբակցության պատգամավոր Ջարուհի Փոստանջանին Yerkir.am-ի հետ զրույցում անվանեց «թուրքի բոստանից գորացրված դաշտամուկ»:

Անդրադառնալով ԵԽԽՎ-ում Ջարուհի Փոստանջանի հնչեցրած հարցին՝ Ասրյանը հայտարարեց, որ ցանկանում է, որ իր խոսքերը լինեն ավելի կոշտ, կոպիտ, եւ այն ուղղում է ո՛չ թե Ջարուհի Փոստանջան քաղաքացուն, ո՛չ թե Ջարուհի Փոստանջան կնոջը, ո՛չ թե Ջարուհի Փոստանջան մորը, այլ՝ «ոմն Ջարուհի Փոստանջան» քաղաքական գործչին, ով վերջնականապես ցուցադրեց իր թերուցքային վիճակը ինչպես հայրենիքում, այնպես էլ՝ հայրենիքից դուրս»:

«Նույն Ջարուհի Փոստանջանին խարույկի վրա կենդանի պետք է այրել, ոչ թե որպես ժանճա դ'Արկի, այլ՝ որպես Ռամիլ Սաֆարովի», - հայտարարեց Խաչիկ Ասրյանը:

Նա կարծիք հայտնեց, որ ՀՀ յուրաքանչյուր քաղաքացու եւ իր համար ՀՀ-ն, հայոց պետականությունը ամենամեծ ընտանիքն է, իսկ «հայոց նախագահ» Սերժ Սարգսյանը մեր մեծ ընտանիքի առաջնորդն է, ով մեծագույն դերակատարություն է ունեցել հայոց պետականության կայացման մեջ»:

Ասրյանը կարծում է, որ բոլոր ընտանիքների ներսում էլ լինում են խնդիրներ, որոնք, սակայն, միշտ էլ լուծվում են:

«ԵԽԽՎ-ում հայկական պատվիրակության անդամները պետք է բարձագույն արժեք ընդունեն եւ նաեւ տարածեն հինավուրց հայ ժողովրդի բարձրագույն խորհրդանիշների՝ զինանշանի, դրոշի, հայոց նախագահի՝ որպես գերագույն գլխավոր հրամանատարի հանդեպ պաշտամունքի գաղափարը, նաեւ որպես առաջնորդապաշտության, այլ ոչ թե երեսուն արծաթով վաճառեն քրիստոնյա հայ ժողովրդի հոգիները՝ ազատություն, ժողովրդավարություն բառերը շահարկելով, խարխուլելով հայոց պետականության հիմքերը», - եզրափակեց Ասրյանը:

Մերօրյա ինկվիզիտորը՝ ՀՀԿ-ից



11 Յոկտեմբեր, 2013 20:10 | Ռեպորտաժերիսակ՝ Համլետ Կիրակոսյան

«ՀԱՅՈՑ ԱՐԾԻՎՆԵՐ»

Վաղուց ի վեր հայոց Հիտլեր «պատվանունը» վաստակած տխրահռչակ խաչիկ Ասրյանը գլխեց բոլոր հանրապետականների «սխրանքը»՝ Չարուհի Փոստանջյանի ստրասբուրգյան հայտնի հարցը մեկնաբանելիս: Եթե մյուս հանրապետականները՝ Գալուստ Սահակյան, Կարեն Ավագյան, Շմայս եւ մյուսներ, իրենց հոգու եւ մտքի «ծիչը»՝ առ Չարուհու արարքն ու իրենց շեֆ Սերժ Սարգսյանի պաշտպանությունը, արտահայտում էին «թուրք», «ադրբեջանցի» ռասիստական որակումներով, «դավաճան» անվանելու հետադիմական կաղապարներով, նաեւ սեռա-հայիոյանքային տղայական ակնարկներով, ապա նորօրյա հիտլերիկը այդ ամենին գումարեց նաեւ միջնադարյան ինկվիզիցիայի եւ ճիզվիտության հանդեպ իր հակումները, նաեւ առ հայոց «արեգակ», «թագավոր» ու պետության «խորհրդանիշ» Սերժ Սարգսյանն ունեցած պաշտամունքի ու սիրո քծնանքային գերադրականությունը:

Իրեն «հայոց արծիվ» հռչակած այս խելապակասը Չարուհի Փոստանջյանին Yerkir.am-ի հետ զրույցում անվանել է «թուրքի բոստանից զորացրված դաշտամուկ», ապա ավելացրել, թե «Նույն Չարուհի Փոստանջյանին խարույկի վրա կենդանի պետք է այրել, ոչ թե որպես ժանճա դ'Արկի, այլ՝ որպես Ռամիլ Սաֆարովի»:

Խաչիկ Ասրյան կոչեցյալի այս «հավատաքննչական» ու ինկվիզիտորական մտքերին կարելի էր այնքան էլ ուշադրություն չդարձնել, եթե չլիներ մի հանգամանք. այս մարդը ոչ միայն իշխող կուսակցության ներկայացուցիչ է, ընդ որում՝ ոչ շարքային ներկայացուցիչ, եւ ի պաշտոնե ներկայացնում է Հայաստանի իշխանությունը, այլեւ փոխնախարար է, ընդ որում՝ երիտասարդության եւ սպորտի, որը ուղղակի առնչություն ունի մատաղ սերնդի, երիտասարդության, նրանց դաստիարակության, մտածողության ու գաղափարախոսության ձեւավորման հետ:

Նա նաեւ գլխավորում է «Հայոց արծիվներ» հասարակական կազմակերպությունը, որի գործունեության մեջ եւս գերակշռողը երիտասարդների դաստիարակությունն է, ու ոչ միայն այնտեղ տարածում է իր վտանգավոր, հետադիմական, միջնադարյան գաղափարները, այլեւ, ըստ ամենայնի, այդ բազմահազարանոց կազմակերպության ներսում բուծում է իր նման արծիվիկների:

Այսպիսով, մինչեւ ուղնուծուծը ֆաշիստական ու ինկվիզիտորական գաղափարներով, վարք ու բարքով տոգորված այս մարդուն վստահված է մի շատ կարելոր ու պատասխանատու գործ, ինչը իսկական խայտառակություն է 21-րդ դարի պետության համար:

Համլետ Կիրակոսյան